

又方以酒吹兩鼻中

又方斷白犬一頭取熱犬血一升飲之

又方割鷄冠血以瀝口中令一咽仍破此雞以搗心下冷乃棄之於道邊得烏鷄彌佳妙

又方牛子矢一升酒三升煮服之大牛亦可用之

又方刀鞘三寸燒末水飲之

又方燒鼠矢末服如黍米不能飲之以少水和內口中

又有諸丸散並在備急藥條中今巫實見人忽有被鬼神所擺拂者或犯其行伍或遇相觸突或身神散弱或愆負所貽輕者因而獲免重者多見死亡猶如燕簡輩事非爲虛也必應死亦

道藏輯要

肘後備急方

八

虛集十

不可要自不得不救爾

附方

古今錄驗療妖魅猫鬼病人不肯言鬼方鹿角屑搗散以水服方寸匕卽言實也

治卒魘寐不寤方第五

臥忽不寤勿以火照火照之殺人但痛嚙其踵及足拇指甲際而多唾其面卽活又治之方

末皂角管吹兩鼻中卽起三四日猶可吹又以毛刺鼻孔中男左女右展轉進之

又方以蘆管吹兩耳并取病人髮二七莖作繩納鼻孔中割雄

雞冠取血以管吹入咽喉中大效

又方末竈下黃土管吹入鼻中末雄黃并桂吹鼻中並佳

又方取井底泥塗目畢令人垂頭於井中呼其姓名卽便起也

又方取韭搗以汁吹鼻孔冬月可掘取根取汁灌於口中

又方以鹽湯飲之多少約在意

又方以其人置地利刀畫地從肩起男左女右令周面以刀鋒刻病人鼻令入一分急持勿動其人當鬼神語求哀乃問阿誰何故來當自乞去乃以指滅向所畫地當肩頭數寸令得去不可不具詰問之也

又方以瓦甌覆病人面上使人疾打破甌則寤

道藏輯要

肘後備急方

九

虛集十
川上久

又方以牛蹄或馬蹄臨魘人上亦可治卒死青牛尤佳

又方擣雄黃細篩管吹納兩鼻中桂亦佳

又方菖蒲末吹兩鼻中又末內舌下

又方以甌帶左索縛其肘後男左女右用餘稍急絞之又以麻縛腳乃詰問其故約勅解之令一人坐頭守一人於戶內呼病人姓名坐人應曰諾在便蘇

卒魘不覺灸足下大指聚毛中二十一壯

人喜魘及惡夢者取火死灰著履中合枕

又方帶雄黃男左女右

又方灸兩足大指上聚毛中灸二十壯

又方用真麝香一子於頭邊

又方以虎頭枕尤佳

辟魘寐方取雄黃如棗核繫左腋下令人終身不魘寐

又方真赤罽方一尺以枕之

又方作犀角枕佳以青木香內枕中并帶

又方麘治卒魘寐久書此符於紙燒令黑以少水和之內死人

口中懸鑑死者耳前打之喚死者名不過半日即活

魘臥寐不寤者皆魂魄外游為邪所執錄欲還未得所忌火照

火照遂不復入而有燈光中魘者是本由明出但不反身中故

耳

道藏輯要

肘後備急方

十

虛集十

附方

千金方治鬼魘不悟皂莢末刀圭起死人

治卒中五尸方第六

五尸者飛尸遁尸風尸沈尸尸其狀腹痛脹急不得氣息上衝

心胸旁攻兩脇或礫塊涌起或攣引腰脊兼治之方

灸乳後三寸十四壯男左女右不止更加數壯差

又方灸心下三寸六十壯

又方灸乳下一寸隨病左右多其壯數即差

又方以四指尖其痛處下灸指下際數壯令人痛上爪其鼻人

中又爪其心下一寸多其壯數差